

D. MICHAELIS ALBERTI,
POTENTISS. REGIS PORUSSIÆ CONSILIARII AULICI,
MEDICINÆ PROFESSORIS PUBLICI ORDINARII, PHILOS.
NATUR. EXTRAORD. REIPUBL. NORIBERG. PHYS.
ORDIN. ACADEM. NAT. CURIOS.
COLLEGÆ,
PROPEMPTICON INAUGURALE
DE
FALSO SENSU
MEDICO NATURÆ
CORPOREÆ HIPPO-
CRATICO.



Um ante præterlapsum tem-
pus peculiari programme In-
augurali ex *Hippocrate* & fidis atque
ingenuis illius sequacibus com-
monstraverim quod per *naturam*
non *corporeum*, sed *incorporeum*
principium agnoscendum sit, &
verum *Sensum medicum naturæ incorporeæ Hippocraticum*
commendaverim, ita placuit hac occasione de *Falso Sensu*
Medico Naturæ corporeæ Hippocratico paucis differere, ut
pro meliori *Naturæ* intellectu ex ipsis *antiquitatis* rude-
ribus illucescat, quodnam subiectum aut prædicatum
hoc nomine *dignum* deprehendatur, aut *genuinas* functio-
nes, *naturæ* competentes, ritè & perite administrare vale-
at: Sed ne in hac consideratione in *vulgarem* labyrinthum
incidamus, præstat ante omnia *communes* acceptiones na-
turæ probè nosse & providè discernere, siquidem non
sufficit ad illas *obsoletas* auctoritates provocare, quod
hic hanc, alius aliam *qualitatem* per naturam intellexerit,
aut quod veteres satis sæpe de *natura corporis* tractave-
): (2 rint

rint & differuerint, cum sane de *natura* tot *sensus* valeant, quot fere *capita* sunt; illud vero necessarium atque utile erit disquirere, an *generalis* quidam conspectus & conceptus de natura ab omni ferme tempore inveniri queat, & an peculiaria *prædicata* de natura, rationi & communi acceptioni *conformia*, occurrant: Etenim quem latet hodie-
num, qui vel primis labris degustavit physicam scholasti-
cam, quod per naturam variæ *qualitates corporeæ* intelli-
gantur & declamentur? de eo vero vicissim quæstio mo-
vetur, an hic sit *verus* sensus, qui naturæ competit! ne-
que etiam tyronem medicinæ subter fugere aut latere pot-
est, quod *Hippocrates* passim de *natura corporis* verba fa-
ciat; illud potius in quæstione est, an hic sit *verus* sen-
sus *medicus* naturæ Hippocratis? quem vero porro latet
quam *abusiva*, impropria, contorta, coacta & cæca sæpe
hæc naturæ acceptio & accusatio passim sit, ut *qui affe-*
ctionem alicujus subjecti aliter exprimere aut *effectum* in
aliquo negotio aliter explicare, vel certas *conditiones* ali-
ter denominare *nescit*, mox ad hoc *asylum* confugiat, &
naturam hujus vel illius rei culpæ & significare soleat,
ita ut fermè notio naturæ *communis juris* facta fuerit, &
ens, natura, indoles, status &c. vulgaribus illis nomini-
bus accenseri debeant, quibus interdum obscurum per
æque obscurum indicatur: & hæc *simplicitas* in denomi-
nandis circumstantiis, non satis *manifestis*, per generales
& communes ejusmodi notiones ab ipsa *antiquitate* pro-
manavit, utpote quæ distincta, perspicua & sufficienti
cognitione causarum atque nexuum destituta, ad ejusmo-
di *generales* notiones confugit, adeo ut satis evidens *i-*
gnorantiæ proles atque testimonium sit, quando veteres de
natura corporis locuti sunt, quippe quæ appellatio ipsis
nihil aliud fuit, quam certa, peculiaris, principalis, selecta
aut generica & *obscura* neque satis cognita *qualitas* rei &
corporis, uti hodiernum dici solet, es ist seine Art, seine Na-
tur,

tur, seine Eigenschaft, seine Qualität, oder es hat eine besondere Beschaffenheit darmit. Siquidem vicissim veteribus in more positum fuit, quasi in *compendio* & uno nomine totum *complexum* alicujus rei & corporis cum singulis notabilibus circumstantiis, *naturæ* notione denotare, quem *antiquatum* morem posteritas indies adhuc imitatur: non quidem operæ pretium esse duco latius conquirere & recensere, quomodo veteres & præcipuè Hippocrates naturam applicaverint, ad partium & corporis qualitatem & quantitatem, ad partium imprimis sic dicta elementa, mixturem, texturam, structuram, connexionem, figuram, numerum, magnitudinem, ut & ad varias earundem qualitates, & qualitatum rationes & modum essendi & existendi, siquidem passim de natura caloris, frigoris &c. & meditati & speculati sunt: utpote in qua naturæ appellatione & accusatione haud parci, quin rectius liberales fuerunt, quia *volubilis* hæc enunciatio *simplicitati* antiquitatis admodum conformis est: Quanquam vero passim venerabilis Senex naturæ corporis mentionem faciat, tamen assiduos lectores scriptorum Hippocraticorum minime latere potest, quanta discretione differat de natura corporis, & de illa altera natura, quæ usui *reali*, practico & exquisitè *medico* congruit, ita ut mox simplex contextus monstret, quod sensus naturæ *medicatricis* Hippocrati longe *nobilior* fuerit, quam sensus nude *physicus* sive consideratio naturæ *corporeæ* in medicina: unde etiam cum eximia emphasi *Libr. de arte* dicit: *si quis enim artis facultatem ad ea quæ artis non sunt, aut naturæ, ad ea, ad quæ minimè apta est, requirat, is istud non intelligit magis ad insaniam cum ingnerantia conjunctam, quam ad imperitiam accedere.* Unde etiam minime ipse Hippocrates tanta *prædicata* de natura corporis sive *physica* proponit, quanta de natura *medica*, sive *medicatrice* commendat atque describit: quod si etiam interdum senex ille cognitionem naturæ corporis

approbaverit & commendaverit, tunc minime judican-
dum est quasi hanc præ illa, morborum *medicatrice* natu-
ra, ad usus *medicos* collaudaverit, cum nullibi eadem *elo-*
gia de *corporis* natura proferat, quæ de altera producit, ita
ut Hippocrati, medicorum Principi, *differentia* eximia
usitata sit, inter naturam, *sine medico* & arte, medicatricem
& *naturam corporis*, quæ *arte* indiget: quod vero natura illa
materialis, mere *physica* & corporea, sensui & usui *medico*
non subserviat, neque Hippocratis natura morborum
medicatrix existat, satis superque edocet, quod corpus
læsum se ipsum restituere, *curare*, reparare, corrigere & re-
integrare nequeat, aut quod natura corporis læsa & *cor-*
rupta, sibi ipsi consilium & *opem* ferre non possit; ubi fru-
straneum est illud refugium & in angustiis conquistum
asylum advertere & applicare, quod nihilominus, hæc ita
fiant, quia Deus ita voluerit fieri: in quo crasso & ab o-
mni ingenua Philosophia alieno errore hæret Sydenhamius
quando in *Operibus Medicis de morbis acutis Sect. II. cap. 2. ad*
finem de natura hunc conceptum profitetur: Ego enim quo-
ties naturam nomino toties *causarum naturalium* complexum
quendam significare volo; quæ quidem causæ brutæ licet, at-
que omni consilio destitutæ, non tamen *sine summo consilio* re-
guntur, dum suas quæque operationes edunt, suosque effectus
exequuntur: nimirum supremum illud Numen, cujus vi pro-
ducta sunt omnia, & a cujus nutu dependent infinita sua sapien-
tia sic disponit omnia, ut ad opera destinata, se certo quodam
ordine atque methodo accingant, neque frustra quicquam mo-
lita, neque nisi quod optimum est ac toti rerum Fabricæ, su-
isque privatis naturis maxime accommodum exequentia per-
inde atque automata non pro suo sed artificis consilio moventur:
ubi sane cum Theologo eximii nominis exclamare debeo:
Der liebe fromme Gott muß leider vielmahl der Bosheit und
Blindheit der Menschen Deck, Mantel und Lücken-Büßer seyn:
& licet Sydenhamius operationes naturæ medicas probe
&

& accurate observaverit & commendaverit, tamen in eo
crasse aberravit, quod tam vulgarem & plebejum intelle-
ctum de natura prodat & tam celebres functiones, admi-
nistrations & directiones confuso modo *corporeis* affe-
ctionibus adsignet & in subsidium communis inscitiae, ad
vim, nutum & voluntatem divini Numinis provocet: ende-
mius hic & perpetuus error est, quando demum in extre-
mis angustiis, dum rationales deductiones & connexiones
deficiunt, voluntas Dei accusatur, quasi hic fons verita-
tis *tunc* patronus & *protector falsissimarum* talium specu-
lationum esse debeat: absit a me longissime, ut Deum be-
nignissimum, cui sempiternus imo æternus honor, laus,
gloria & veneratio tribui debet, tantis *figmentis* & aliis
ludicris opinionibus dehonestem. Neque etiam porro
tam frivole & præcipitanter sentiendum est, quod *notio*
Naturæ nudum quoddam refugium aut *asylum* constituat.
Siquidem ipsa vox subinde verum *characterem* atque *offi-*
cium Naturæ denotat, ut adeo minime ut sonus otiosus
aut in actu signato, sed in actu exercito accipi debeat, &
subinde natura id ipsum sit, quod per vocem Naturæ in-
dicatur, videlicet *principium generationis & conservationis*,
quippe qui sensus haud præjudiciosus, vanus aut sterilis
sed *realis* est: ob id potius infero, quod Hippocrates,
dum de *natura corporis* aut natura corporea loquitur, sen-
su *improprio*, abusivo & *imperfecto* nomine naturæ utatur,
utpote quæ non est *morborum medicatrix*, dum facultates
& qualitates corporis læsæ aut corpus læsum non mederi,
vel læsionem emendare & curare potest: unde rectius asse-
ro, quod dum Hippocrates de *Natura* juxta medicum sen-
sum loquitur, longe aliam imo digniorem causam intelli-
gat, quam crudum, crassum *corpus*, ejusdemque affectio-
nes: quod vero ipse Senex non magis perspicue indicave-
rit, quænam illa natura sit, id condonandum est implica-
tioni antiquitatis, dum sententiæ de natura in diversas
partes abierunt: interea illud satis aperte cognosci potest,
quod

quod e diversis effectibus Hippocrates agnoverit & obser-
vaverit, naturam corporis non esse naturam morborum & me-
dico sensui accommodatam: & quis tantas potestates facile
naturæ corporeæ adscribere poterit, quales in exquisitis
morborum curationibus indies advertuntur, hinc ars famu-
latur naturæ, & natura monstrat vias atque methodos, quas
ars imitari debet, imo ars ex sua potestate & quidem citra
naturæ concursum non nisi crassissimos actus & effectus
committit, uti aperte Galenus de Constit. art. c. 12. profitetur:
*Natura enim & Medicus eorum quæ corpori boni causa sunt
auctores existunt: sunt tamen alia naturæ alia medicis negata
& concessa: naturæ quidem impossibile est ita os confractum,
ut ejus partes à nativa sede aberrant membrumque distortum
sit corrigere & confirmare, quod medicis possibile est: quem-
admodum & luxatum medicus reponere potest, natura non pot-
est: contra cavum ulcus carne replere natura potest; medi-
cus non potest, sicut ex semicoctis aut crudis aliquid concoquere:
sed in his medicus naturæ famulatur.* Et cum singulæ illæ
apparentes demonstrationes, quæ naturam corpoream
evincere debent, nullo modo cohereant, aut sinceræ & fide-
dignæ, sed valde contortæ & coactæ sint, ita minime inge-
nuum Senem culpæ volo, quasi ob defectum sufficientis
cognitionis maxime physicæ præter naturam corpoream,
aliam sapientem & prudentem naturam agnoverit, & ac-
cusaverit, utpote qui effectus, naturæ sapienti competen-
tes, non nisi naturæ corporeæ tribui debeant: ast cum fun-
damentum hujus asserti infirmum existat & ante citata Sy-
denhamii opinio de natura supposititia sit & innumeris ob-
jectionibus solidis obnoxia, ita constanter assero, quod
natura corporea Hippocratis, non illa sit, quæ medico sen-
sui quadrat: Etenim ordines illi, successus, decursus, effe-
ctus & eventus, quot quot in actu, corpus conservante or-
dinario æque ac extraordinario conspiciuntur, minimè a
necessitate quadam physica pendent, sed altiori directorio in-
digent: unde si quis venenum hauserit, tunc apparatus illi
extre-

extremè impetuoſi emetici & cathartici neque à veneno neque à ſtructure corporis pendent, ſed illam ſalubritatem involvunt, quo pernicioſum venenum ſine ulla mora cum ſtrenua & præcipiti activitate rejiciatur & è corpore exterminetur, & licet in tali *extrema neceſſitate* actus & effectus quidam coincidant, qui *proxime* cum tali ſalutari eventu haud cohærent, tamen propterea iidem non *irracionales* aut absolute confuſi & tumultuarii ſunt, licet *irregulares* & ſub tanta anguſtia vagi ſint: quo ſpectat parallelum exemplum, quod indies in *moralibus* negotiis occurrit, quando quiſquam in *extremo* gradu commotionis patheticæ conſtitutus eſt, quomodo haud ſingulæ operationes *proxime* cum ſcopo conveniant, licet *genericæ* cum eodem cohæreant &c. &c. ex quibus brevi tantum prælibatione demonſtro quod I) Hippocrates in agnitione naturæ alio quam *Phyſico* ſenſu accipiendæ, haud ignarus fuerit, quod II) natura ſenſui *medico* accommodata, longe *dignior* ſit, & quod III) natura *corporea* non respondeat vero ſenſui *medico Hippocratico*. Et quanquam numerosas huius conſiderationis demonſtrationes proferre queam, tamen ſpatium & occaſio hac vice plura non admittunt: Placuit hæc pauca præmittere & prælibare, dum propoſitum eſt deſcribere & publice commendare honeſtam proſapiam, modeſtam indolem & laudabiles proſectus

DNI. LUDOVICI JULII JAQVEMIN,

MEDICINÆ CANDIDATI DIGNISSIMI.

Natus hic eſt Brunſvigæ A. 1692. d. 22. Februarii. Patre Viro Ampliſſimo Dn. Petro Jaquemini, Gallo ob religionem profugo, & Matre Honeſta & virtutibus clara Sybilla Catharina Dunckers Zellenſi: ab hiſce ſuis laudatis parentibus in omnibus bonis moribus educatus, quamprimum anni idonei accreverunt ſincera cura Zellæ miſſus eſt, quo in principiis fidei & ſtudiorum honeſtorum rudimentis inſtrueretur, ubi etiam per ſingulas

):():(

las

las Classes industriam suam admodum comprobavit donec A. 1706. eo usque profectus illius maturuere ut Primæ Classis discipulis annumeratus fuerit Rectore Viro Præcellentissimo *Dn. M. Delio* & Con-Rectore Viro Præclarissimo *Dno. Overbeckio*, quo tempore charissimi sui Patruelis *Dni. Gaudon* Summe beati Principis DOMINI GEORGII GVILIELMI Ducis Brunsvic. & Laneb. Sereniss. Capellæ Magistri hospitio & Favore usus est: postea in Patriam revocatus & in Gymnasium Martineum receptus sub laudabili industria Rectoris tunc temporis meritissimi *Dni. Gebhardi* (cujus ædibus etiam usus fuerat) & Con-Rectoris *Dni. Pohlmanni* studia sua continuavit:

Tandem An. 1709. Academiam Groeningensem adiit & d. 16. Septembr. studiosorum numero associatus est, Rectore t. t. Magnifico *Dno. Alex. Arnoldo Pagenstechero* Jcto: mox vero apud Excell. *Dn. Rossal* Philos. Prof. varia Collegia Philosophica sedulo frequentavit: deinde etiam studio Theologico operam dedit, & manuducante Summe Rev. *Dno. Hulsio* S. S. Theol. D. & Prof. Prim. explicationem Comp. Theol. Joh. à Marck audivit. A. 1710. Fridericianam nostram accessit & d. 15. Maji sub Generoso & Consultissimo *Dno. de Boden* t. t. Magnifico Rectore in album studiosorum translatus est: postea Consult. *Dn. Gundlingii* & *Dn. D. Rudigeri* Collegia Philosophica, Excellent. *Dn. Wolffii* Collegia Mathematica & Physica cum singulari industria visitavit: In Theologicis & orientalibus linguis privatissima informatione *Dni. M. Wurtzleri* usus & proinde aliquoties hic loci in Ecclesia Gallica publicas sacras orationes sive conciones habuit. Ob sanitatis & præcipue pectoris imbecillitatem sacrum hoc studium permutavit cum Medico & A. 1711. Jenam se contulit, ubi d. 28. Octobr. Rectore Magnif. *Dn. Slevogtio* Medico in numerum studiosorum receptus fuit: in qua celebri Academia Philosophica

phica studia continuavit, sub manu ductione Virorum
Excell. & Clariss. Dnrum. *Syrbii, Gerhardi & Stollii*; in Ma-
thematicis vero Physicis & Geographicis *B. Hambergeri*
& *Ehrenbergeri* introductione usus est. In historicis Ex-
cell. Dn. *Struvii* fidelitatem expertus, & notitiam statuum
Imperii nostri Romano-Germanici ad ductum Celeb.
Cocceji hausit à Doctiss. Dno. *Riccardo* Bibliothecæ Præ-
fecto. In Medico foro eximie celebrat Patrocinium &
dexteritatem Illustris Dni. *Wedelii Senioris*, quem in Ma-
teriam medicam, compositionem formularum, simplici-
um Notitiam & Politicam Medicam indefesse legentem,
cum multa voluptate & industria audivit: Deinde Excell.
Dn. D. *Slegvotii* dexteritate in Anatomicis, Chirurgicis
& Botanicis fructus est, quem tria cadavera feminei &
unum masculini sexus exactè & publicè dissecantem vi-
dit: porro Exc. D. D. *Wedelii junioris* Favorem collaudat,
cujus victorio & hospitio usus eundemque Institu-
tiones Medicas, Physiologiam, Pathologiam, chymiam,
compositionem formularum, methodum medendi ad
Walæi mentem & Semilogiam dextre & solide docentem
& in anatomia cadaveris masculini publica occupatum
sedulo adiit: Non minus adhuc varia collegia & totum
cursum medicum, multo fervore & laudabili industria
pertractavit, ducibus Viris Excellentissimis Dn. D. *Fickio*,
Teichmeyer & *Hilschero*: Quibus Collegiis singulis fe-
liciter finitis denique Collegium in B. *Struvii* Jurispru-
dentiam præeunte prælaudato D. D. F. G. *Struvio* B.
authoris dignissimo filio, ut & in eundem authorem
commentantem D. D. *Progemannum* frequentavit: deni-
que anno præterito denuo Mense Majo nostram Acade-
miam petiit, & Excellentissimi Dn. D. *Hoffmanni*, Colle-
gæ Honoratissimi, Lectiones privatas in Therapiam Fe-
brium & Anatomiam publicam indefesse visitavit: cujus
Favorem & fidelitatem etiam publice cum multa vene-
ratione confitetur: nec non iterata solertia Excellen-

tissimi *D. Wolffii* Collegia Mathematica frequentavit: Me-
etiam privatisimo studio & labore in universam Praxin
Medicam commentantem audivit. Præter singulam hanc
eximiam & laude omnino dignam solertiam, Linguas,
Gallicam, Italicam, & Anglicam, nec non alia honesta
exercitia & Musicam excoluit. Posteaquam itaque hoc
studium feliciter percurrit, & in qualibet scientia maxi-
me vero Medica, egregios Profectus nactus est, secum con-
stituit in nostra Academia summos artis honores petere:
ob id non modo Facultati nostræ sese singulari sua capaci-
tate, eruditione & modestia probavit, sed & in consuetis
examinibus talem exhibuit, qualem nobis ex hætenus
commemorata solertia promissimus, & quem tantis hono-
ribus maxime dignum declaramus: Ultimum est quo In-
augurali Specimine *Curam per Expectationem* publica re-
sponsione & disputatione defendat, id quod b. c. d. proxi-
mo d. XXVIII. Maji fiet: Ad quem actum Solennem Ma-
gnificum Academiae ProRectorem, Illustrissimos, Illustres,
Summe Reverendos, Excellentissimos, Consultissimos,
Amplissimos, Clarissimos, Spectatissimosque Patronos,
Procures, Hospites, Fautores & Cultores officiosissime &
humanissime invito. P. P. Halæ Magdeb. d. XXVII.
Maji. A. O. R. MD. CC. XVIII.

